

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3137 del 24/10/2025

En sònsta as de 25 van schanmikeal um 11.25 vourmitto as RAI 1 der programm pfiart van Lino Zani ont Giulia Capocchi. A stickl as hòt bèrt gem en lònt, durch de gschichtn ont s klòffen va bem as es òll to lep

Trèff va Linea Verde Trentino as en Bersntol, “La valle incantata”

[Mòcheno] A roas en echte hèrz van Trentin, bou as natur, kultur ont identitet pintn se zòmm en a gschicht as gildet ont gip bèrt en lònt: der nai trèff va Linea Verde Trentino – “La Valle Incantata” bart se hòltn as Rai 1 en sònsta af de 25 van schanmikeal um 11.25 vourmitto pfiart va Lino Zani ont Giulia Capocchi.

Gamòcht pet de zòmmòrbet va Trentino Marketing ver de òrbetn va nochricht vourtrong va Rai Pubblicità, der programm stellt vour an paispil va television “branded content” guat za leing zòmm durch a gschicht, s gilt n van lònt pet en kontarn ont s klòffen va bem as es òll to lep.

Protagonist van trèff ist s **Bersntol**, an plòtz still en de zait bou as de praich ont de naikaitn plaim guat zòmm. Do zbischn de aussichtn en Palai en Bersntol, òlta gruam, heff va holz ont stoa', pet de bersntoler sprochen nou lebet, de television derstellt ont mòcht liacht as en de kultural ont mentsch pahalter van a gamoa'schòft as drauschauk ont enviretrok sai'na aigena burtzn. Lino Zani bart de zuaschauer viarn za vinnen araus de gschichtlegen ont literalischen zoachen van doi lònt, ont derbail Giulia Capocchi bart de stimm gem en de jungen as u'nemmen za paun de sai' zukunft en Trentin, pet lust, pahòltlechkait ont vernaikait.

Linea Verde Trentino - La Valle incantata ist an projekt gamòcht zòmm pet **Trentino Marketing** pet an òrbet gem va de **Autonome Provinz va Trea't** drinn en projekt gahoasn “De kròft van a minderhait: bideraugea' van an lònt as taitscha burtzn hòt en sud van Alpen”, van paraich van PNRR [M1.C3 – INVESTIMENTO 2.1.– linea di azione A] zuazolt va de Europäische Union - Next Generation EU, as durch en klòffenvurm ont de kontarnkròft va de television, derzelt der haitzegento bèrt va de echthait, van tròchtn ont va de balsch schea'nekait.

Der trèff ist gamòcht kemmen gèltsgott en de zòmmòrbet va de Autonome Provinz va Trea't, APT Valsugana, Gamoa' va Palai en Bersntol, Bersntoler Kulturinstitut, Pro loco va Palai.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)